

Retningslinjer for søknaden – Den kulturelle spaserstokken

Formål

Den kulturelle spaserstokken i Stryn kommune skal sikre kvalitet, nyskaping, tilgjengelegheit og/eller breidde i kulturtilbodet for eldre i Stryn kommune.

Økonomiske rammer

Dei økonomiske rammene for tilskotsordninga følgjer tildeling frå Vestland fylkeskommune.

Tilskot til kunst- og kulturtiltak

Søk om støtte til arrangement og prosjekt innan musikk, visuell kunst, litteratur, scenekunst, kulturarv og andre kunstformer.

Krav til søkjar

Profesjonelle kunstnarar og kulturarbeidarar innan alle kunstformer kan søkje Stryn kommune om midlar til kunst- og kulturtiltak for eldre. Tiltaka må gå føre seg i Stryn kommune.

Vilkår for tilskot

Ved tildeling av tilskot vektlegg vi mellom anna dette:

- Tiltaket er av høg kvalitet
- Tiltaket er av nyskapande art
- Arrangementa er opne for alle i målgruppa

Dette gir vi ikkje tilskot til:

- Tiltak som finn stad i innsamlingsøyemed
- Underskotsgaranti
- Tiltak som har funne stad før støtte eventuelt har blitt innvilga
- Tiltak som finn stad i andre kommunar enn Stryn kommune
- Det blir ikkje gjeve tilskot til forprosjekt, utstyr, administrasjonstiltak, investeringar, planleggingstiltak eller kompetanseutvikling
- Kompetansebyggande tiltak som kan reknast som del av ordinær drift, eller som er del av formell opplærings- eller utdanningsaktivitet

Søknadsfrist

Den kulturelle spaserstokken i Stryn kommune har søknadsfrist 15. februar

Søknaden skal innehalde følgjande:

- Opplysningar om søkjaren
- Skildring av arrangementet du søker støtte til; målgruppe, tal på arrangement, stad og dato/periode for gjennomføringa
- Opplysning om pris. Vi bruker honorarsatsar som i Den kulturelle skulesekken, ref. rammeavtale Kommunenes sentralforbund og Musikernes Fellesorganisasjon. Honorarsatsen per 01.08.2024: Oppdragstakar blir honorert med 5 913 kroner per formidlingsdag.
- Budsjett som skal innehalde alle forventa utgifter og inntekter, inkludert alle honorar

Behandling av søknader

Tilskot blir gitt ut frå ei samla vurdering av arbeidsgruppa Den kulturelle spaserstokken i Stryn kommune. Ved vurderinga legg vi mellom anna vekt på kunstnarisk og fagleg nivå, og at tiltaket vil bidra til eit variert kulturtilbod for eldre i Stryn kommune. Søknadar blir svara på etter at Stryn kommune har fått svar om midlar frå Vestland fylkeskommune. Normalt vil dette vere i januar månad.

- Det blir stilt som krav at tiltak blir gjennomført i samsvar med søknaden, og kommunen skal få melding dersom det oppstår forhold som inneber endringar av dei føresetnadene som går fram av søknaden.
- Tilskotsmottakar skal ha ein dialog med kulturavdelinga om når og på kva institusjonar/kulturarenaer kulturarrangementet skal finne stad. Tilskotsmottakar kan sjølv avtale arrangementa med institusjonane/kulturarenaene.
- Krav om rapportering og rekneskap når tilbodet har utgifter utover honorar.